



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԼՈՒՈՒ ՄԱՐԶ  
ԿԱԹՆԱՋՐԻ ԳՅՈՒՂԱՊԵՏԱՐԱՆ

Հասցե՝ 1815, Լոռու մարզ,  
գ. Կաթնաջուր 13փ. շենք 1  
Հեռ. 099-00-03-02

E-mail: Katnajur1@mail.ru

ԿԳԵ 102

«20» «դեկտեմբեր» 2014թ.

Հեռ. 099-00-03-02

ՀՀ Լոռու մարզպետ  
պարոն Ա. Նալբանդյանին

Կից Ձեզ եմ ներկայացնում Կաթնաջրի համայնքի ավագանու 2014թ.-ի  
18-Ա որոշումը:

Առդիր՝ 3 (երեք) թերթ:

Գյուղապետ՝



/Ա. Պապոյան/



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱԹՆԱԶՈՒՐ ՀԱՄԱՅՆՔԻ ԱՎԱԳԱՆԻ

Հայաստանի Հանրապետության Լոռու մարզի  
Կաթնաջուր համայնք, գ. Կաթնաջուր  
հեռ. +374(99)-00-03-02

### Ո Ր Ո Շ ՈՒ Մ

«05» դեկտեմբեր 2014 թվականի N 18-Ա.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕԵՆՍԴՐՈՒԹՅԱՄԲ ԿԱԹՆԱԶՈՒՐ ՀԱՄԱՅՆՔԻ ՂԵԿԱՎԱՐԻՆ  
ՎԵՐԱՊԱՀՎԱԾ ԿԱՄԱՎՈՐ ԼԻԱԶՈՐՈՒԹՅՈՒՆՆԵՐԻ ԻՐԱՎԱՆԱՑՄԱՆ ԵՎ ԴՐԱՆՑ ՀԱՄԱՐ ԱՆՀՐԱԺԵՇՏ  
ՖԻՆԱՆՍԱԿԱՆ ՄԻՋՈՑՆԵՐԻ ՀԱՏԿԱՑՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով Տեղական ինքնակառավարման մասին Հայաստանի Հանրապետության օրենքի 16-րդ հոդվածի 1-ին մասի 5-րդ կետով և իրավական ակտերի մասին Հայաստանի Հանրապետության օրենքի 60-րդ հոդվածով՝ Կաթնաջուր համայնքի ավագանին որոշում է.

1. Հաստատել Հայաստանի Հանրապետության օրենսդրությամբ Կաթնաջուր համայնքի ղեկավարին վերապահված կամավոր լիազորությունների իրականացման և դրանց համար անհրաժեշտ ֆինանսական միջոցների հատկացման կարգը՝ համաձայն հավելվածի:

2. Ուժը կորցրած ճանաչել Կաթնաջուր համայնքի ավագանու 2014 թվականի փետրվարի 14-ի «Համայնքի նորածին երեխաներ ունեցող և անապահով ընտանիքիներին սոցիալական օգնություն հատկացնելու կարգը հաստատելու մասին» N 02 որոշումը:

3. Սույն որոշումն ուժի մեջ է մտնում 2015 թվականի հունվարի 1-ից:

| Կաթնաջուր համայնքի ավագանու անդամներ |      |     |         |
|--------------------------------------|------|-----|---------|
| Անուն, ազգանուն                      | Կողմ | դեմ | ձեռնպահ |
| Թորոսյան Մերուժան                    |      |     |         |
| Պապոյան Մանվել                       |      |     |         |
| Մանուկյան Սմբատ                      |      |     |         |
| Ռշոյան Էդվարդ                        |      |     |         |
| Սարգսյան Սամվել                      |      |     |         |
| Սիմոնյան Գագիկ                       |      |     |         |
| Սիմոնյան Սամվել                      |      |     |         |

ՀԱՄԱՅՆՔԻ ՂԵԿԱՎԱՐ

(ստորագրություն)

Ա. Պապոյան

(անուն, ազգանուն)



## Կ Ա Ր Գ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՏԵՆԱՂՈՒԹՅԱՆ ԿԱԹՆԱՇՈՐ ՀԱՄԱՅՆՔԻ ՂԵԿԱՎԱՐԻՆ ՎԵՐԱՊԱՀՎԱԾ ԿԱՄԱՎՈՐ ԼԻԱԶՈՐՈՒԹՅՈՒՆՆԵՐԻ ԻՐԱԿԱՆԱՑՄԱՆ ԵՎ ԴՐԱՆՑ ՀԱՄԱՐ ԱՆՀՐԱԺԵՇՏ ՖԻՆԱՆՍԱԿԱՆ ՄԻՋՈՑՆԵՐԻ ՀԱՏՎԱՑՄԱՆ

1. Սույն կարգով կարգավորվում են Հայաստանի Հանրապետության օրենսդրությամբ Կաթնաշուր համայնքի ղեկավարին (այսուհետև՝ համայնքի ղեկավար) վերապահված կամավոր լիազորությունների իրականացման և դրանց համար անհրաժեշտ ֆինանսական միջոցների հատկացման կարգի հետ կապված հարաբերությունները:
2. Ըստ Տեղական ինքնակառավարման մասին Հայաստանի Հանրապետության օրենքի համայնքի ղեկավարը իրականացնում է Տեղական ինքնակառավարման մասին Հայաստանի Հանրապետության օրենքով թվարկված և Հայաստանի Հանրապետության այլ օրենքներով վերապահված կամավոր լիազորություններ: Տեղական ինքնակառավարման մասին Հայաստանի Հանրապետության օրենքով համայնքը ղեկավարը իրականացնում է հետևյալ կամավոր լիազորությունները:

#### Պաշտպանության կազմակերպման բնագավառում

- 1) աջակցում է քաղաքացիական պաշտպանության մարմինների գործունեությանը:
- 2) աջակցում է զինծառայողների ընտանիքների սոցիալական պաշտպանվածության բարելավման, ինչպես նաև զինծառայությունից արձակվածների, պատերազմի վետերանների սոցիալական խնդիրների լուծմանը:
- 3) աջակցում է բնակչության, հատկապես երիտասարդության ռազմահայրենասիրական դաստիարակությանը:

#### Քաղաքաշինության և կոմունալ տնտեսության բնագավառում

- 1) իրականացնում է բնակարանային և սոցիալական նշանակության այլ օբյեկտների շինարարությունը և կապիտալ վերանորոգումը:
- 2) իրականացնում է կառուցապատման աշխատանքները:
- 3) կազմում է Քաղաքաշինության մասին Հայաստանի Հանրապետության օրենքով սահմանված, ըստ անհրաժեշտության մշակվող, քաղաքաշինական փաստաթղթերի մշակագծերը:
- 4) կազմակերպում է հանգստի վայրերի խնամքը և պահպանությունը:
- 5) կազմակերպում է սանիտարական մաքրման կայանքների շինարարությունը և շահագործումը:

#### Հողօգտագործման բնագավառում

- 1) իրականացնում է համայնքի սեփականություն համարվող հողամասերի բարելավման աշխատանքներ:
- 2) իրականացնում է ներդնատեսային հողաշինարարական աշխատանքներ:

#### Տրանսպորտի բնագավառում

- 1) կազմակերպում է համայնքային ենթակայության ճանապարհների, կամուրջների և ինժեներական այլ կառույցների շինարարությունը:

#### Կրթության, մշակույթի և երիտասարդության հետ տարվող աշխատանքների բնագավառում

- 1) աջակցում է արհեստների, ժողովրդական ստեղծագործության և գեղարվեստական ինքնագործունեության զարգացմանը:
- 2) աջակցում է համայնքի տարածքում գտնվող պատմամշակութային հուշարձանների պահպանությանը:
- 3) հաշվառում, դասակարգում և տարածում է համայնքի տարածքում գտնվող պատմամշակութային, բնական և տուրիստական-ռեկրեացիոն ռեսուրսների մասին տեղեկատվությունը:
- 4) աջակցում է երիտասարդության դերի բարձրացմանը:
- 5) աջակցում է հանրակրթական դպրոցների գործունեությանը:

#### Առողջապահության, ֆիզիկական կուլտուրայի և սպորտի բնագավառում

- 1) աջակցում է սանիտարական վիճակի բարելավմանը:



- 2) աջակցում է առողջապահական մարմինների՝ սանիտարահիգիենիկ, հակահամաճարակային և կարանտինային միջոցառումների իրականացմանը:
- 3) նպաստում է համայնքում ֆիզիկական կուլտուրայի և սպորտի զարգացմանը, իրականացնում է սպորտային հրապարակների և մարզական այլ կառույցների շինարարություն, ստեղծում է հանգստի գոտիներ:

#### Գյուղատնտեսության բնագավառում՝


- 1) աջակցում է գյուղատնտեսական աշխատանքների իրականացմանը:
- 2) աջակցում է տոհմային և սերմնաբուծական աշխատանքներին:

#### Աշխատանքի և սոցիալական ծառայության բնագավառում՝

1. նպաստում է նոր աշխատատեղերի ստեղծմանը, կազմակերպում է վճարովի հասարակական աշխատանքներ:
2. միջոցներ է ձեռնարկում հաշմանդամների, կերակրողին կորցրած ընտանիքների, սոցիալապես անապահով այլ խավերի սոցիալական պայմանների բարելավման ուղղությամբ:
3. Յուրաքանչյուր տարի կամավոր լիազորությունների իրականացման համար կարող է նախատեսվել ֆինանսական միջոցներ, որը չի կարող գերազանցել այդ տարվա համայնքի բյուջեով նախատեսված սեփական եկամուտների 20%-ը:
4. Այն դեպքում, երբ համայնքի ղեկավարի կողմից կամավոր լիազորությունների իրականացման համար պահանջվում է ֆինանսական միջոցների հատկացում՝ համայնքի ղեկավարը դրանք իրականացնում է համայնքի բյուջեով նախատեսված հատկացումներին համապատասխան:
5. Այն դեպքում, երբ համայնքի ղեկավարի կողմից կամավոր լիազորությունների իրականացման համար չի պահանջվում ֆինանսական միջոցների հատկացում՝ համայնքի ղեկավարը դրանք իրականացնում է ինքնուրույն և սեփական պատասխանատվությամբ:
6. Սոցիալապես անապահով ընտանիքներին հատկացվող մեկանգամյա սոցիալական օգնության առավելագույն չափը սահմանվում է հիսուն հազար դրամ: Նույն ընտանիքին տարվա ընթացքում սոցիալական օգնության կարող է հատկացվել առավելագույնը 2 անգամ, որի չափը չի կարող գերազանցել սոցիալական օգնության առավելագույն չափի 1,5-պատիկի չափը: Արգելվում է սոցիալական օգնության հատկացումը համայնքի բնակիչ չհանդիսացող, ինչպես նաև համայնքի բյուջեի նկատմամբ հարկային պարտականությունները չկատարած անձանց, համայնքի ղեկավարի, գյուղապետարանի աշխատակազմի աշխատակիցների ընտանիքի անդամներին և համայնքի ղեկավարի մերձավոր բարեկամներին (ծնող, քույր, եղբայր, երեխա, եթե վերջիններս վարում են համատեղ տնտեսություն:
7. Սոցիալապես անապահով ընտանիքների ուսանողներին ուսման վարձի հատկացումը կարող է իրականացվել միայն պետական բարձրագույն կամ միջնակարգ մասնագիտական ուսումնական հաստատություններում սովորելու դեպքում և առավելագույնը կարող է հատկացվել տարեկան 100000 (հարյուր հազար) դրամ: Արգելվում է ուսման վարձի հատկացումը համայնքի բնակիչ չհանդիսացող, ինչպես նաև համայնքի բյուջեի նկատմամբ հարկային պարտականությունները չկատարած անձանց, համայնքի ղեկավարի, գյուղապետարանի աշխատակազմի աշխատակիցների ընտանիքի անդամներին, մերձավոր բարեկամներին (ծնող, քույր, եղբայր, երեխա), եթե վերջիններս վարում են համատեղ տնտեսություն:
8. Համայնքում նորածին երեխաներ ունեցող ընտանիքներին հատկացվող սոցիալական օգնության չափը յուրաքանչյուր երեխայի համար սահմանել 20000 (քսան հազար) դրամ:
9. Համայնքի ավագանու կողմից սույն կարգով չնախատեսված կարգով կամավոր լիազորությունների իրականացումն արգելվում է:

ԿԱՅՆԱՅՐԻ ԳՅՈՒԴԱՊԵՏԱՐԱՆԻ  
ԱՇԽԱՏԱԿԱԶՄԻ ՔԱՐԾՈՒՐԱՐ



  
(ստորագրություն)

Հ. Թորոսյան  
(անուն, ազգանուն)